

I'

I' i'

Te l'aggio cunfessato chist'ammore
Comme nu peccatore annanz'a Dio
Stu ffuoco 'e Sant'Antonio 'ncopp' ô core
Ha fatto piglià pere 'e suonne mieje

I' i'

Sapisse comm'è ddoce stu turmiento
Nun m'abbandona manco quanno dormo
'E vvote pare ca' s' 'o porta 'o viento
Ma 'na vutata d'uocchie e chillo torna

Nun 'o putevo chiù tenè annascuso
Comme si fosse 'nu peccato 'e morte
Dint'a 'na stanzulella sempe chiuso
A ccàvice l'aggio sfunnata 'a porta

Ma si nun 'o vuò bene nun fa niente
A cchistu mariuolo asciuto 'a cuorpo
Pure si me ne cacci i' so' ccuntento
'O vvulè bene nun è maje 'na colpa

Gnut: voce, chitarra acustica

Ilaria Graziano: voce

Michele Signore: mandolino, violino

Simone Pratico: batteria

Piers Faccini: chitarra acustica 12 corde, chitarra elettrica, dulcimer, cori

Luca Caligiuri: basso

Duje Vicchiarcelli

'Na coppia 'e vicchiarcelli mano e mmano
sott'a nu cielo sporcico e senza luna
stanno turnanno â casa chianu chiano
'a strada è scura e nun passa nisciuno

oggi è nu juorno doce e ffurtunato
so' quarant'anne ca' se vonno bbene
ca 'e core stanno ancora llà assettate
â primma classe 'ncoppa 'o stesso treno

'a vita ce n'ha fatto 'e cotte e ccrure
ridenno sott' 'e baffi da luntano
ma sti dduje vicchiarcelli int' 'e ppaure

s' hanno tenuto sempe mano e mmano

pecche' ll'ammore mette 'o ffuoco 'mpietto

nun se fa viecchio e chiude ogni fferita

arriva quanno meno te l'aspietto

ma quanno è ovèro resta tutt'a vita.

Gnut: voce, chitarra acustica

Ilaria Graziano: voce

Simone Pratico: batteria

Michele Signore: mandolino

Piers Faccini: chitarra acustica 12 corde, chitarra elettrica, basso, dulcimer

Nun te ne fa'

Nun te ne 'ncarica' si sto bbuono

Si ancora traso e gghiesco a 'nt' 'e ppaure

Si ancora parlo 'e te dint'e ccanzone

E 'o cielo m'appaura quanno è scuro

Nun te ne 'ncaricà si nun so' ccagnato

Si ancora so' n'auciello ca nun vola

'e nnotte ca me sento sgarrupato
'e zitto aspetto ca se sceta 'o sole

Ma che te 'o ddico a fa'
Ca so' tant'anne
Ca faccio sempe 'e diébbete cu' 'e suonne
Ca 'ncuollo metto sempe 'e stessi panne
Ca faccio male 'e cunte e ppo' arrefonno

Nun te ne 'ncaricà si me coce
'o sango quanno scorre dint' 'e vvene
è 'a freva ca me saglie doce doce
si penzo ca te voglio ancora bbene

Ma che te 'o ddico a fa'
Ca so' tant'anne
Ca' faccio sempe 'e diébbete cu' 'e suonne
Ca' 'ncuollo metto sempe 'e stessi panne
Ca' faccio male e cunte e ppo' arrefonno
Ma tu nun te ne fa'
So' ssule fatte mi'
So' ccose ca' succedono a stu munno
A cchi passa 'e juorne miezo â via
Cercanno n'ato ammore

Senza funno

Senza funno

Gnut: voce, chitarra acustica

Michele Signore: viola

COLPA MIA

Stong' stiso sott'a n'albero 'e limone
mentre 'ncielo s'appripa 'na tempesta
cu st'addore ca me fa turnà criaturo
e lluntano 'o viento sbatte 'na fenesta
stong' acciso d' 'a fatica 'e 'na settimana
juorne ittate appriesso a ggente scunusciuta
tempo ca te fotte comme 'na puttana
ca te guarda e aspetta sulo ca' hê fernùto

penso a te sulo pe' ffa' dispietto ô core
nun 'o ssaccio addò va quanno leva mano 'o sole

Maje 'na vota ca bbastasse 'na parola
maje 'na vota ca' cercasse 'nu cunziglio
è nu cane ca nun sta a ssentì 'o padrone

è nu pate ca se crede 'o meglio figlio

parlo 'e te mentre 'o cielo se fa' scuro
stanco 'o sole arricetta 'a robba soja
furastieri l'ucchie tuoje chin' 'e paura
quanno tu me diciste "è ssulo colpa toja"

fronna fronna

fronna fronna

fronna 'e limone

pigliati 'o mmale 'e lassa o bbuono.

Gnut: voce, chitarra acustica

Michele Signore: viola, mandoloncello

Ilaria Graziano: cori

Piers Faccini: chitarra acustica, chitarra acustica 12 corde

Fausta Vetere: voce

Luca Rossi: tammorra

AMMORE QUANNO è AMMORE

E n'ha passate 'e cotte e ccrure

Se n'è mmagnato 'e pane tuosto
Se n'ha pigliati 'e vase 'a Giuda
Nun more maje st'ammore nuosto
Sta sempe 'ntridice e nun passa
'Int' 'e tiempe 'e guerra po' fà 'o scemo
Quando te lasso o tu me lasse
'O ssape ca turnammo 'nzieme
Ce n'ammo fatte 'e scortesie
Paccheri 'nfaccia a mmana smerza
Ce n'ammo ditto 'e fessarie
vocche cusute e brutti scherzi

pecchè ammore quann' è ammore
'E tutt'o riesto 'nze ne 'mporta
Ha dda dà cunto sulo 'o core e ppiglia 'e pietto pure 'a sciorta
pecchè ammore quann' è ammore
E tutt'o riesto 'nze ne 'mporta
Ha dda dà cunto sulo 'o core e ppiglia 'e pietto pure 'a morte

A pparte 'o fatto ca te voglio bene
Comme nisciuno te ne ha maje vuluto
O'sango scorre liscio dint' 'e vvene
'A quanno nuje ce simmo cunusciuti

M'aizo 'a dint' 'o lietto sempe allero
Comme si stess' 'e casa 'int' a nu suonno
'E ccosce nun me 'e ssentu stanche 'a sera
Pure si aggio truttato tutto 'o juorno
succede a chi è vvasato d' 'a furtuna
A cchi ha truvato 'o paraviso 'nterra
l'ammore te dà 'a forza 'e duje liuni
Te mette 'ncuorpo 'na salute 'e fierro

pecchè ammore quann' è ammore
E tutt' 'o riesto 'nze ne 'mporta
Ha dda dà cunto sulo 'o core e ppiglia 'e pietto pure 'a sciorta
pecchè ammore quann' è ammore
E tutt' o riesto 'nze ne 'mporta
Ha dda dà cunto sule 'o core e ppiglia 'e pietto pure 'a morte

Gnut: voce, chitarra acustica

Simone Pratico: batteria

Ilaria Graziano: voce

Michele Signore: mandolino

Piers Faccini: chitarra acustica 12 corde, chitarra elettrica, basso, cori, armonica

CHELLA NOTTE

l' m'addormo 'mbriaco tutt' 'e ssere
dint'a nu lietto 'e giornale e ccartune
song' asciuto 'a tre mise 'a galera
fore 'nce steva nisciuno

tengo amici e ppariente luntane
'na mugliera 'a tenevo era bella
l'accereteno chesti ddoje mane
chella notte cadevano 'e stelle

'a truvaje dint'e braccia d' 'o scuorno
stupetiata 'a passione e ppeccato
addivintajeno curtielli sti ccorne
spade 'mpietto a 'n ammore sbagliato

So ppassate trent'anne e ttre mmise

'nce sta notte ca nun te sento
ca 'nze spogna 'e sudore 'a cammisa
ca 'nte veco 'nt'a ll'ucchie d' 'a ggente

tengo amici e ppariente luntane
na mugliera 'a tenevo era bella
l'accereteno chesti ddoje mane
chella notte cadevano 'e stelle

Gnut: voce, chitarra acustica

Ilaria Graziano: voce e cori

Simone Pratico: batteria

Michele Signore: mandoloncello

Piers Faccini: chitarra acustica 12 corde, chitarra elettrica, basso, dulcimer, cori

'E PPAROLE

'E pparole so' pprete 'e fummo
ca' se squagliano 'int''e mmane
acqua fredda e ggelata 'e ciummo
quanno jesceno 'a vocca ô 'nfame
'e pparole so' lluce 'e stelle
o' calore 'e nu raggio 'e sole

quanno so' pparole belle
'e chi parla 'na vota sola

te po' accidere 'na parola
te po' mettere suggezzione
nun se 'mparano 'int' 'a scola
'e pparole pe' 'e ccanzone
'na parola po' ffa' guaje
comme è gghiuto e comme è vvenuto
sulo 'a morte nun parla maje
'e l'ammore quanno è ffernuto.

'e pparole so' bbenedizione
Song' 'a forma d' 'e penzieri
parla 'o core e parla buono
quanno l'ucchie tuoje nun vede
ma 'e pparole so' mmuntagne
addò sbatte forte 'o viento
tempo brutto ca nun cagna
quanno i' parlo e nun me siente

te po' accidere 'na parola
te po' mettere suggezzione

nun se 'mparano 'int' 'a scola
'e pparole pe' 'e ccanzone
'na parola po' fa' guaje
comme è gghiuto e comme è vvenuto
sulo 'a morte nun parla maje
'e l'ammore quanno è ffernuto.

Gnut: voce, chitarra acustica

Ilaria Graziano: voce

Simone Pratico: batteria

Michele Signore: mandoloncello

**Piers Faccini: chitarra acustica 12 corde, chitarra elettrica, basso, dulcimer,
harmonium**

COME SE

Piccolo come un uomo sono
E non voglio che te
Solo in questo mondo nero
Che colori per me

Costruirò una casa

Per guardarti dormire
E pulirò la mia strada
per ballarci con te

Ed è come se tutto bastasse
Ed è come se il mondo mi appartenesse

Piccolo come un uovo
Ma più fragile
Nel palmo della tua mano
Io non tremo

Ed è come se tutto bastasse
Ed è come se il mondo mi appartenesse

Gnut: voce, chitarra acustica

Ilaria Graziano: voce

Simone Pratico: batteria

Michele Signore: mandolincello

Piers Faccini: chitarra elettrica, fischio, harmonium, cori

Luca Caligiuri: basso

ANCHE PER TE

Ti vedo in ogni giorno di sole

Nelle coperte calde se piove
Nel pane a mezzogiorno nel suo odore
In tutta la meraviglia che c'è

Ma ti vorrei parlare
Di quello che ora sono
E lo sono anche per te

Nelle parole giuste
Nel buon umore
Sei nelle mie domande
e nelle risposte pure
E nei miei occhi resta il colore
Ma adesso non mi basta

Ti vorrei parlare
e dirti che sto bene
Che sto bene anche per te

Gnut: voce, chitarra acustica

Ilaria Graziano: voce

Michele Signore: viola

Piers Faccini: chitarra acustica 12 corde, chitarra elettrica, basso, dulcimer, armonica, harmonium, cori

NUVOLA

Si 'a capa cummanna 'o core
nun se tratta d' ammore ovèro
è 'nu bruttu quarto d'ora
'na nuvola passiggera.
Quanneo tiene 'o ffuoco 'mpietto
nun t'astipe e n'arraggiune
è 'na lastra 'e jaccio 'o lietto
si nun t' 'o scarfa chi vuo' bene.

Chi ce tene overamente
penza sempe 'a stessa cosa
nun se ferma annanz' a nniente
si 'nte vede n'arreposa
campa sulo a ppietto annuro
senza scuorno e senza 'rraggia
e si 'a capa s'appaura
parla 'o core e 'a fa' curaggio.

Gnut: voce, chitarra acustica

Ilaria Graziano: voce

Simone Pratico: batteria

Michele Signore: mandolino, lira pontiaca

Piers Faccini: chitarra acustica 12 corde, chitarra elettrica, basso, xilofono, sanza, harmonium, armonica, dulcimer